



Kev Ceeb Toom Rau Cov Neeg Txawv Tebchaws

Immigration Warnings

Kuv ua tau li cas tam sim no es thiaj pab kom kuv muaj feem tau txais ntaub ntawv ua neeg US yam tom ntej?

Yog koj tau cai tuaj nyob hauv U.S. ib ntus xwb, lossis koj tsis muaj cai nyob hauv U.S., nws muaj tej yam koj ua tau uas yuav pab kom koj muaj feem hloov kom koj nyob tau raws cai yav tom ntej no.

Yog koj nyob hauv tebchaws U.S. tsis tau kev tso cai, koj ua txhaum U.S. cov cai tswj neeg txawv tebchaws. Koj kuj ua txhaum txoj cai thiab yog hais tias tus kws txiav txim plaub lossis tus kws txiav txim Immigration & Customs Enforcement (ICE) hais kom ntiab koj tawm tebchaws thiab koj muaj “daim ntawv tshem tawm.” Yuav muaj feem raug ntes los ntawm tsoom fwv cov tub ceev xwm hauv ICE thiab yuav raug xa rov qab.

Paub Koj Cov Cai Thiab Txav Deb Ntawm Teeb Meem

Tsis txhob koom tes nrog leej twg ua tej yam txhaum txoj cai. Tej zaum nws yuav tsis pab kom koj tau nyob tebchaws no thiab tej zaum koj yuav raug xa rov qab. Tsis txhob muaj kev cuam tshuam nrog tub ceevxwm los yog lwm cov neeg ceevxwm tsuas yog tias yuav tsum tau xwb. Xyuas zoo kom koj muaj daim ntawv tsav tsheb “driver’s license.” Saib peb daim ntawv, [Yuav li cas mus Thov Koj Daim Ntawv Tsav Tsheb Hauv Minnesota \(Daim Ntawv Tsav Tsheb rau Taqrho Sawvdaws\)](#).



Xyuas zoo kom txhua lub tsheb koj tsav muaj isalas tsis tau tas sijhawm. Thiab xyuas zoo kom koj paub daim ntawv povthawj isalas nyob qhov twg thaum koj tsav tsheb. Xyuas zoo kom muab tau nws yoojyim. Nyob rau tej qhov chaw, cov tub ceevxwm hauv zej zog koom tes nrog tsoom fwv cov tub ceev xwm ntes cov neeg tsis muaj ntaub ntawv nyob (ICE), thiab tej zaum lawv yuav hu ICE yog lawv xav tias koj tuaj nyob tsis raws cai.

Yog tias koj raug nres los ntawm tub ceevxwm:

Koj muaj cai tsis hais lus. Yog koj tsis xav hais dabtsi, qhia rau tus tub ceevxwm. Hauv Minnesota, koj yuav tsum qhia tias koj yog leej twg, ces tsuas qhia koj lub npe thiab xeeb thiab muab daim ntawv ID rau tub ceev xwm. Yog koj muaj ib daim state ID lossis ntawv tsav tsheb “driver’s license,” muab daim ntawd rau tus tub ceevxwm. Qhov ntawd zoo dua siv daim

“passport” lossis lwm yam ID ntawm koj lub tebchaws tuaj. **TSIS TXHOB** siv cov ntaub ntawv cuav.

Yog hais tub ceev xwm nug seb koj puas muaj ntawv nyob tebchaws no:

Koj muaj txoj cai tsis hais lus. Koj tsis tas teb lus nug txog koj yug qhov twg, seb koj puas yog los yog tsis yog neeg xam xaj U.S., los yog koj nkag tau tuaj li cas hauv lub tebchaws Meskas. Koj muaj cai thov kom muab ib tug neeg txhais lus rau koj yog koj xav tau ib tug.

Koj muaj cai tsis kam lawv tshawb fawb. Txawm hais tias koj tsis kam los, tub ceevxwm muaj feem xyuam plhws xuas koj cov khaub ncaws yog lawv xav hais tias koj muaj riam phom. Tub ceevxwm muaj feem tshawb koj lub tsheb yog lawv pom povthawj hais tias muaj kev txhaum txim. Yog ib qho zoo uas tsis kam lawv tshawb fawb es thiaj kom pab tiv thaiv cov povthawj uas muaj feem siv tau rov los foob koj yav tom ntej. Koj muaj txoj cai nug hais tias, “Kuv mus tau lawm los?” Koj kuj nug tau lo lus no siv ib tug neeg txhais lus yog koj xav tau ib tug.

Yog tub ceevxwm tsis muaj povthawj txaus ntes koj, lawv yuav tsum tau tso koj mus. Yog tias tub ceevxwm koj koj mus kaws, koj tsis tas yuav teb lus nug txog qhov koj tuaj nyob tau li cas hauv tebchaws Meskas, thiab koj tsis tas nrog ICE tham li. Koj muaj txoj cai hu rau ib tug kws lijchoj thiab ib tug neeg hauv tsev neeg lossis phoojywg uas koj ntseeg siab.

Tabsis koj yuav tsum hu tub ceevxwm los yog hu rau cov neeg pab kub ntshov thaum koj toobkas lawv, xws li hu qhia thaum muaj neeg ua txhaum cai, tau kev pab thaum tsev kub nyhiab, los yog xav tau kev pab thaum muaj mob. Tej co neeg es raug tsim txom los ntawm tej qho kev ua txhaum kuj yuav tau txais kev pab tshwj xeeb rau neeg txawv tebchaws yog lawv qhia txog tej yam txhaum cai thiab koom tes nrog rau tub ceev xwm thaum lawv soj ntsuam txog los yog thaum foob.

Yog koj muaj keeb kwm ua txhaum cai, mus sab laj nrog ib tug kws li choj rau neeg txawv tebchaws ua ntej yuav ua ntawv thov nyob tebchaws U.S.

Tsis txhob Siv, Muaj, lossis Muag Tshuaj Txhaum Cai - Suav Maj tibi

Siv yeej tshuaj txhaum cai yuav ua tau teebmeem rau koj nrog immigration. Nws tseem ceeb heev tsis txhob siv lossis yuav tshuaj txhaum cai, **nrog rau tshuaj maj (tshuaj maj)**. Nyob hauv Minnesota txoj cai pub cov neeg laus dua 21 xyoo muaj thiab siv tshuaj maj me me rau tus kheej. **TIAMIS** tsoom fwm tseem txwv tsis pub muaj thiab siv tshuaj maj. Tsoom fwm txoj cai kuj txwv tsis pub ua hawjlwm rau cov lag luam tshuaj maj. Nws seem ceeb heev rau txhua tus uas tsis yog xam xaj Meskas tsis txhob siv, muag, lossis muaj tshuaj maj, thiab lwm yam. Txawm yog hais tias nws muaj cai siv tau hauv MN los “immigration” cov txim muaj feem hnyav heev.

Yog tub ceev xwm ntes koj lossis muab ib daim pib rau koj tom qab nrhiav tau yeej tshuaj ntawm koj, mus nrog ib tug kws lijchoj immigration tham **ua ntej** yuav them koj daim pib lossis mus hais ib rooj plaub.

Yog tub ceevxwm lossis ICE tuaj tom koj lub tsev lossis chaw ua lag luam/haujlwm:

Koj muaj cai TSIS KAM lawv nkag los yog hais tias lawv tsis muaj daim ntawv kos npe tso cai tuaj ntes koj. Daim ntawv ntes “warrant” yog ib **daim ntawv tus kws txiav txim plaub kos npe** uas tso cai rau tub ceevxwm lossis ICE ntes ib tug neeg. Nws kuj tso cai rau lawv tshawb fawb ib qho chaw lossis ib kem chaw nyob. Yog ib tug neeg tuaj txog ntawm koj qhov rooj es hais tias lawv yog tub ceevxwm lossis ICE, nug seb lawv puas muaj ib daim ntawv kos npe tso cai ntes neeg. Yog lawv hais tias muaj, hais kom lawv muab ntsaws hauv qab lub qhov rooj thiab muab nws thaj duab.



Koj muaj cai TSIS KAM cia tub ceevxwm lossis ICE nkag los hauv koj lub tsev yog:

- Yog hais tias nws TSIS kos npe,
- Yog hais tias nws kos npe tiamsis TSIS yog los ntawm ib tug kws txiav txim plaub
- Yog nws tsis muaj koj qhov chaw nyob (thiab tus apartment kem tsev naj npawb, yog koj muaj ib tug) LOSSIS
- Yog nws tsis muaj ib tug neeg nyob hauv koj lub tsev lub npe ntawm daim ntawv

Yog ICE tuav koj hauv qhov taub, hu rau koj tus kws lijchoj lossis ib tug neeg koj ntseeg siab sai li sai tau thaum lawv pub koj hu xovtooj. Yog koj ntshai rov qab mus koj lub tebchaws, qhia rau cov tub ceev xwm immigration. Yog koj hais tias koj ntshai rov qab mus koj lub tebchaws, feem ntau lawv yuav tau ua ib qho hu uas “Credible Fear Interview” lossis “Reasonable Fear Interview.” Kawm ntxiv txog qhov txheem txheej no thiab saib seb nws puas muaj rau koj los nyeem [A Path to Asylum](#).



Ceev faj txog Tattoos (thas xim ntawm lub cev)

Tejzaum U.S. tsoomfwv yuav saib koj cov tattoo uas povthawj tias koj nyob rau ib pab laib lossis muaj feem xyuam ua txhaum txim. Yog koj twb muaj li ib lossis ntau tshaj cov tattoos lawm, npaj piav seb koj tau cov tattoos thaum twg thiab nws txhais li cas rau koj. Xav seb puas muaj ib txoj kev los uas povthawj seb tus tattoo ntawd yog dabtsi lossis muaj nuj nqi li cas? Pivtxwv, yog koj muaj ib qho tattoo qhia koj tus menyuam lub hnuv yug, yuav tsum muaj koj tus menyuam daim ntawv (birth certificate) yug nws npaj ua povthawj.

Yog koj xav mus ua ib qho tattoo, ceev faj thiab tos cia txog thaum koj ua xam xaj tso. Txawm cov tattoo zoo los tej zaum tsoomfwv yuav txhais yuam kev.

Nco Tsoom mus Hais Rooj Plaub Hauv Tsev Hais Plaub Immigration

Yog koj txais ib tsab ntawv hais tias koj yuav tsum tau mus hais pluab hauv tsev hais plaub Immigration, nws tseem ceeb heev koj yuav tsum mus. Tsab ntawv qhia lub **sijhawm, hnuv, thiab chaw nyob ntawm koj rooj plaub**. Yog koj tsis mus rooj plaub hauv tsev hais plaub

immigration, nws yeej muaj feem siab heev hais tias lawv yuav txiav txim kom muab koj ntiab tawm tebchaws. Tiamsis yog koj mus hais koj rooj plaub, koj muaj feem los piav koj qhov teebmeem rau tus kws txiav txim plaub thiab txais lus teb rau koj cov lus nug. Txiv ntawd, tus kws txiav txim plaub yuav piav cov rauj ruam tom nej rau koj rooj plaub. Pib txwv: koj xav ntiav ib tug kws lijchoj los pab hais plaub rau koj kom tsis txhob raug ntiab tawm tebchaws. Tiamsis koj tseem nrhiav tsis tau ib tug kws lijchoj nrog koj mus hais plaub. Thaum mus hais rooj plaub koj mas li piav rau tus kws txiav txim plaub hais tias koj xav tau sijhawm ntxiv mus nrhiav thiab ntiav ib tug kws lijchoj. Koj yuav tau mus hais koj rooj plaub txawm hais tias koj nrhiav tsis tau ib tug kws lijchoj. Yog koj nrhiav tsis tau lossis tsis muaj nyiaj ntiav ib tug kws lijchoj, tus Kws Txiaiv Txim Plaub mam li piav rau koj seb koj yuav sawv ces rau koj tus kheej hais koj rooj plaub li cas thiab yuav thov Tus Kws Txiaiv Txim Plaub li cas kom tsis txhob ntiab koj tawm tebchaws.

Xav paub ntxiv, saib peb cov ntawv qhia no: *(lus Askiv xwb)*

- [What to Do If You Get a Notice to Appear for Immigration Court](#)
- [What to Expect the First Time You Go to Immigration Court in Minnesota.](#)
- [What to Do If You Miss Your Immigration Hearing \(How to File a Motion to Reopen\)](#)
- [How to Move Your Immigration Hearing to a Different Court \(Change Your Venue\)](#)

Neeg Txawv Tebchaws Cov Kevcai Cuv Npe

Pib lub Plaub Hlis 2025, U.S. muaj ib txoj cai tshiab uas hais tias cov neeg txawv tebchaws tsis muaj ntaub ntawv nyob yuav tsum tau mus cuv npe nrog rau tsoomfwv. Mus kawm ntxiv txog txoj cai tshiab no, nyeem daim ntawv qhia los ntawm National Immigration Law Center: [Know Your Rights: Noncitizen Registry](#).

Yog Koj Muaj qhov Txheej Txheem nyob Temporary Protected Status (TPS)

Cov tsoomfwv U.S. txiav txim seb cov tebchaws twg nyob rau hauv daim ntawv [TPS list](#) thiab muab lub tebchaws twg tshem tawm ntawm daim ntawv. Yog koj muaj TPS thiab tsoomfwv muab koj lub tebchaws tshem tawm ntawm daim ntawv lawm, nrog ib tug kws lijchoj tham sai li sai tau! Tejzaum koj muaj feem tau lwm yam kev pab nyob los ntawm immigration. Ib tug kws lijchoj yuav qhia tau txog cov kev koj muaj. Koj tus kws lijchoj kuj qhia tau rau koj hais tias puas yuav muaj lwm txoj kev sib hais uas yuav ncu lossis nres tau qhov TPS rau koj lub tebchaws. Yog xav paub ntxiv txog Temporary Protected Status, saib peb daim ntawv qhia, [How to Apply for Temporary Protected Status](#).



Yog Koj Raug Tswjhwmm/Saib Xyuas

Yog koj raug tswjhwmm/saib xyuas thiab United States Citizenship thiab Immigration (USCIS) xa ib daim ntawv tuaj qhia koj hais tias koj qhov kev tswjhwmm/saib xyuas raug “tshem tawm” lawm, mus nrog ib tug kws lijchoj tham sai li sai tau. Tejzaum koj muaj feem tau lwm txoj kev nyob los ntawm immigration. Ib tug kws lijchoj yuav qhia koj tau txog cov kev koj muaj.

Yog koj raug tswjhwmm/saib xyuas los ntawm **Cuba, Haiti, Nicaragua, thiab Venezuela (CHNV Parole Program)**, nrog ib tug kws lijchoj tham sai li sai tau! Ib tug kws lijchoj muaj feem qhia tau rau koj txog cov xovxwm tshiab txog lub CHNV Parole Program thiab piav rau koj txoj cov kev koj muaj.

Yog koj tau **“humanitarian parole-tso cai nyob los ntawm Secretary of Homeland Security tuaj lossis nyob hauv U.S. ib ntus vim muaj kev txomnyem” los ntawm the CBP One app**: cov tsoomfwv muaj feem “tshem tawm” koj qhov kev tswjhwmm/saib xyuas. Nrog ib tus kws lijchoj tham seb puas lwmm yam kev pab nyob los ntawm immigration.

Ua li cas yog koj mus tawm tebchaws thaum lawv muab koj qhov kev raug tswjhwmm/saib xyuas tshem tawm?

- Yog koj tawm thaum tsoomfwv tab tom muaj koj ntiab tawm tebchaws (koj nyob rau qhov “txheej txheem tshem tawm”), tejzaum tsoomfwv yuav ntiab koj tawm tebchaws “in absentia” (koj tsis tas yuav nyob ntawd). Feem ntau qhov no txhais tau hais tais koj tsis muaj cai rov tuaj rau hauv U.S. ntawm li 10 xyoos.
- Yog koj tawm thaum koj daim ntawv thov tseem raug ntsuam xyuas, tsoomfwv hais tias koj “tso tseg” koj daim ntawv thov lawm. Koj yuav tsis tau daim ntaub ntawv immigration nyob uas koj thov.

Yog koj xav txog yuav tawm lub tebchaws, nrog ib tug kws lijchoj tham sai li sai tau! Lawv mas li piav cov kev koj muaj rau koj, qhia rau koj paub seb koj puas muaj feem ua ntaub ntawv immigration nyob li cas, thiab qhia koj txog cov teebmeem tej zaum yuav muaj yog tawm thiab nyob.

Tsis Txhob Hais Tias Koj Yog Ib Tus Neeg Xam Xaj U.S. thiab Tsis Txhob Pov Npav (voting)

Yog koj tsis yog ib tug neeg xam xaj U.S., **tsis txhob** hais tias koj yog kiag li. Qhov hu uas dag tias koj yog ib tug neeg xam xaj U.S. Yog koj tias koj yog neeg xam xaj U.S. tabsis koj tsis yog, tej zaum koj tsis muaj feem tau nyob tebchaws no li lawm, thiab tej zaum muab koj xa rov qab.

- Pov npav los yog cuv npe kom pov tau npav muab xam tias yog ib qho dag tias koj muaj xam xaj U.S.
- Siv cov ntaub ntawv qhia rau tias yog pej xeeb U.S. ua muaj xam xaj los yog tias koj yog xam xaj U.S. kom tau haujlwm ua los yog rau ib qho immigration, los yog kom tau kev pab los ntawm tsoov fwv los yog lub xeev kuj yog ib qhov dag tias yog xam xaj U.S.



Ceev Faj Yog Koj Tawm Hauv Tebchaws U.S.

Yog koj muaj ntaub ntawv nyob

Txawm yog hais tias koj muaj ntaub ntawv nyob (xwm li khiav kev tsim txom lossis npav ntsuab), tsis zoo rau koj mus tawm tebchaws tamsim no. Tejzaum tsoomfwv yuav tsis pub koj nkag rov los rau hauv U.S.

Qhov feem koj nkag rov los tsis tau yuav siab dua yog hais tias koj raug liam lossis txhaum ib lub txim lossis tau koomtes tawm tsam tsoomfwv. Kom koj yuav totaub cov teebmeem no, nrog ib tug kws lijchoj tham ua ntej koj npaj yuav mus. Xav paub ntxiv, saib ACLU daim ntawv [Know Your Rights: Enforcement at the Airport](#).

Yog koj tsis muaj cai nyob hauv U.S.

Txoj cai tswj neeg txawv tebchaws rau txim tej co neeg uas tawm tebchaws U.S. tom qab lawv tuaj nyob tebchaws no tsis tau kev tso cai lossis yog hais tias lawv txhaum tej yam txim lawm. Yog koj tauj rau lub tebchaws Meskas tsis raws cai, los yog nyob hauv tebchaws U.S. ntev tshaj li lub caij nyoog pub rau koj nyob, koj tuaj **nyob tsis raws cai**. ***Yog koj muaj keebkwm txhaum txim, mus nrhiav tswvyim ntawm ib tug kws lijchoj immigration ua ntej koj mus ncig tebchaws sab nraum United States.***

Tsuas suav nyob tsis raws cai rau koj yog tshwm sim tom qab lub Plaub Hlis Hnub Tim 1, 1997, thiab thaum ntawd kom muaj hnub nyoog tsawg kawg los yog 18 xyoo lawm.

- Yog koj nyob hauv tebchaws U.S. tsis tso cai tau 6-12 lub hlis tsis kem li, thiab koj tawm mus, yuav **txwv koj 3-xyoo** tsis pub tuaj lawm.
- Yog koj nyob hauv tebchaws U.S. tsis tso cai tau 12 lub hlis los yog tshaj tsis kem li, thiab koj tawm mus, yuav **txwv koj 10-xyoo** tsis pub tuaj lawm.

Yog koj raug txwv tsis pub rov tuaj li 3- los yog 10 xyoo, koj koj tsis tau rau tebchaw U.S. raws cai lawm, los yog tau nyob tebchaws no kom ntev li 3 los yog 10 xyoo.



Yog koj musj tus txij nkawm los yog leej niam/txiv uas nyob tau tebchaws no los yog pej xeem xam xaj U.S., koj thov tau ntawv “**zam**” (waive), los yog tshem tawm qhov 3- los yog 10 xyoo txwv. Tau qhov kev zam tsis yoojyim thiab tsuas yog pub tau yog tias koj muaj pov thawj txaus tias tus neeg txheeb ze muaj kev nyuaj ntau kawg li.

Tej co neeg uas nyob tsis raws cai hauv tebchaws U.S. no kuj yuav raug **txwv tas mus li**. Tej zaum koj raug txwv tas mus li yog koj:

- 1) Koj tuaj nyob hauv lub tebchaws U.S. no tso cai tau ib ntus los yog ob peb ntus uas ntxiv sijhawm ntev li 1 xyoo los yog ntev dua, koj tawm tebchaws U.S., ces rov qab tuaj los yog sim rov qab tuaj tsis raws cai,

- 2) Twb muab koj xa tawm tebchaws U.S. lawm thiab koj rov qab tuaj los yog sim rov qab tuaj tsis raws cai.

Cov neeg raug txwv tas mus li yeej tsis muaj cai rov qab tuaj rau tebchaws U.S. los yog tau ntawv nyob tebchaws no lawm. Zam tsis tau koj, tshem tawm tsis txhob muaj qhov txwv tag tiam, tabsis koj thov tau ntawv rov tuaj rau tebchaws U.S. yog koj nyob tawm tebchaws tau 10 xyoo.

Rau qhov txwv tsis pub tuaj tag tiam, cov neeg tswj neeg txawv tebchaws suav cov sijhawm hauv tebchaws U.S., txawm yog tsis tau muaj 18 xyoo. Nws kuj muaj tej txoj kev zam tau qhov kev txwv no. Piv txwv, yog koj muaj feem tau daim U visa.

Them Koj Cov Se

Cov neeg ua haujlwm hauv tebchaws U.S. tau them se rau cov nyiaj lawv khwv tau. Txiax se yog cov nyiaj them mus rau tsoom fwv cov kev pab tib neeg thiab feem ntau yeej txiax tawm kiag ntawm koj daim tshev tom hauj lwm.

Yog koj ua haujlwm hauv tebchaws U.S. thiab khwv tau nyiaj ntau tshaj li tej qho teem tseg, koj yuav tsum tau ua se rov los rau hauv lub xeev thiab tsoom fwv, **txawm tias koj tsis tau kev tso cai ua haujlwm**. Yog koj thov ntaub ntawv nyob yav pem suab, tejzaum koj yuav tau xa koj cov ntaub ntawv se yav tas los mus rau lawv. Tejzaum yuav nyuaj rau koj thov ntaub ntawv nyob yam tom ntej yog koj tsis ua se.



Lub Plaub Hlis 2025, lub Internal Revenue Service (IRS) hais tias lawv yuav pib qhia ib co ntaub ntawv se rau ICE. Yog koj tsis muaj ntaub ntawv nyob, tejzaum ICE yuav siv koj cov ntaub ntawv se los nrhiav thiab ntiab koj tawm tebchaws.

- Yog koj **TSIS TAU ua se** dua li hauv U.S. yav tas los: nrog ib tug kws lijchoj immigration tham ua ntej koj ua se.
- Yog koj **UA se** hauv U.S. **THIAB** tabtom raug **tshawb nrhiav rau ib lub txim twg** lossis tau txais **tshab ntawv kawg ntiab tawm tebchaws**: nrog ib tug kws lijchoj immigration tham ua ntej koj yuav ua se.
- Yog koj **UA se** hauv U.S. tiamsis TSIS raug **tshawb nrhiav rau ib lub txim** thiab **TSIS TAU** txais **tshab ntawv kawg ntiab tawm tebchaws**: tejzaum yuav tsis muaj feem siab tshaj yog ua koj cov se.

Yuav ua kuv cov se li cas?


Qhov ua se **tax tau rov qab** yog ib daim ntawv ua se kom paub tias koj tiv los tsis tiv nqi se rau tsoom fwv.

Tej zaum yuav tau **nyiaj tau rov qab** ntawm cov nyiaj se txiav tawm ntawm koj daim tshev. Txawm tias koj tsis tas ua se vim koj khwv nyiaj tsis tau ntau txaus, koj yeej tseem ua tau se kom tau nyiaj rov qab.

Yuav tsum ua se rau tsoom fwv tsis pub dhau lub Plaub Hlis Tim 15th txhua xyoo. Yog koj tsis xav siv qhov chaw nyob ntawm koj lub tsev rau hauv koj cov ntaub ntawv se, koj muaj feem siv ib lub U.S. Postal Service PO Box los tau. Siv tsis tau ib qho chaw lag luam xa ntawv.

Yog koj xav ua se, tabsis tsis muaj tus lej xaus saus, koj thov tau tus lej cim los ua se hu ua **Taxpayer Identification Number (ITIN)**. Tus lej chim ua se ITIN pub rau neeg ua haujlwm hauv tebchaws Meskas tsis tau kev tso cai kom lawv ua lawv cov se.

Koj thov tau ITIN nrog chaw ua se Internal Revenue Service (IRS), ntawm www.irs.gov/, los yog hu xov tooj rau 1-800-829-1040. Yog koj tsis xav siv qhov chaw nyob ntawm koj lub tsev rau hauv koj qhov ITIN, koj muaj feem siv ib lub U.S. Postal Service PO Box los tau. Lub PO Box yuav tsum nyob rau hauv ib lub “post office” chaw xa ntawv. Siv tsis tau ib qho chaw lag luam xa ntawv.



Thaum koj thov ib tug ITIN, koj yuav tau xa cov ntaub ntawv mus ua povthawj seb koj yog leejtwg (Xws li daim passport). Lub IRS yuav xa cov ntaub ntawv rov qab rau koj ntawm qhov chaw nyob lossis lub PO BOX koj sau. Xyuas zoo tias koj txais tau ntaub ntawv ntawm qhov chaw nyob koj sau rau hauv daim ntawv thov!

Luam Cov Ntawv Rau Koj Khaws Cia

Tseem ceeb uas koj yuav tsum luam cov ntawv tseem ceeb thiab lwm yam ntawv ua pov thawj qhia tias koj nyob hauv tebchaws U.S. thiab qhov ntawv uas povthawj hais tias koj yog neeg xam xaj U.S lossis muaj neeg txheeb zes xws li, niam txiv, poj niam/tus txiv, lossis menyuum muaj npav ntsuab. Tej zaum cov ntaub ntawv no yuav tseem ceeb rau ua ntawv nyob tebchaws no yav tom ntej. Khaws cov ntaub ntawv tagrho lub sijhawm koj tau nyob hauv U.S. txawm hais tias koj twb tuaj ntev los lawm.

Yog koj tsis muaj ntaub ntawv nyob ntev (xws li daim npav ntsuab): Yog koj tsis muaj povthawj hais tias koj twb nyob hauv U.S. tsawg kawg los 2 xyoos, tejzaum tsoomfwv muaj feem ntiab koj tawm tebchaws es tsis tas mus hais plaub li (Tshem Tawm Sai li Sai Tau). Yog koj muaj povthawj hais tias koj twb nyob hauv U.S. tau li 2 xyoos lawm, koj muaj feem qhia rau tus kws txiav txim plaub immigration hais tias vim li cas koj thiaj li muaj feem nyob hauv U.S.

Kom muaj povthawj qhia hais tias koj nyob hauv U.S. tau pes tsawg xyoo lawm, luam cov ntaub ntawv no tseg:

- cov tw tshev
- cov ntawv “receipts” them nqi tsev lossis xauj tsev
- ntaub ntawv ua se & W2 form
- ntawm them nuj nqi
- Ntaub ntawv yug & ntawv sib yuav
- keeb kwm kuaj mob
- duab ID
- ntaub ntawv tuaj nram tsoom fwv tuaj thiab ntawv receipts
- ntaub ntawv ntsig txog cov plaub txhaum cai
 - daim ntawv tub ceev xwm sau qhia
 - daim ntawv txiav txim
 - daim ntawv tsis txaus siab
- txhua yam hais txog koj rooj plaub rau neeg txawv tebchaws, thiab
- cov ntaub ntawv muaj koj npe thiab vas thib nyob rau lawv.

Siv Tsoom Fwv Cov Kev Pab

Siv tsoom fwv cov nyiaj lossis kev pab hauv U.S. tsis ua li cas, tiam sis tej zaum nws yuav cuam tshuam koj daim ntawv thov nkag tebchaws yav tom ntej. Yuav kom tau npav ntsuab nyob hauv U.S., ib co neeg yuav tsum muaj povthawj hais tias lawv yuav tsis ua ib qhov “public charge.” Qhov no yog ib tug neeg uas tsoom fwv yuav tau yug nyiaj thiab kev pab yav tom ntej.

Koj yeej muaj feem txais kev pab rau koj menyuam uas yog xam xaj U.S. ua lawv npe, txawm yog koj thov cov kev pab immigration dabtsi los xij.

Muaj coob cov neeg tsis tas txhawj txog tsoom fwv yug thiab muaj ib co hos yuav tau. Qhov no txawv heev nyob ntawm yam ntawv koj ua thov thiab yog rau leej twg. Yog li ntawd, tseem ceeb heev mus nrog ib tug kwv lij choj tham yog koj muaj lus nug.

Cov neeg tawg rog, cov neeg khiav rog thiab cov neeg uas mus thov U Visas, T Visas, thiab Special Immigrant Juvenile Status feem ntau tsis muaj kev txhawj xeeb txog qhov no. Yog koj nyob hauv ib pawg no, koj muaj feem mus thov tsoom fwv cov kev pab uas koj muaj cai txais tau. Tiamsis yog koj mus thov ib yam no **thiab tsis tag li ntawm** mus thov rau lwm yam kev pab ntawm immigration tib lub sijhawm ces koj yuav tsis tau daim visa lossis npav ntsuab.

Neeg tawg rog thiab neeg khias tebchaws tsis tas yuav txhawj txog qhov no. Yog koj yog tus neeg tawg rog lossis khias tebchaws, koj muaj feem tau kev pab yog koj xav tau. Nco ntsoov muaj tagrho txhua yam lub nroog nug rau lawv thaum lawv ntsuam xyuas seb koj puas yuav muaj feem tau kev pab. Tej zaum koj yuav muaj teebmeem nrog immigration yog koj:

- muab cov ntaub ntawv tsis ncaj ncees rau lub nroog thaum koj thov cov kev pab. Qhov no yog suav tsis qhia tagrho txhua yam txog cov nyiaj txiag khwv tau los ntawm txhua tus neeg hauv koj ntsev neeg lossis

- tsis qhia lawv paub txog tej yam hloov txog koj cov nyiaj khwv tau los lossis cov neeg hauv koj tsev neeg

Saib peb daim ntawv [Totaub Tsoomfwv Txoj Kev Pab](#).

Pab Nyiaj Txiag Yug Koj Cov Menyuam

Yog tau txiav txim xaj kom koj them nyiaj hli yug menyuam, them kom raws sijhawm. Yog koj poob qab them nyiaj hli yug menyuam, los yog koj tiv cov nqi vim tsis them, hais kom muaj qhov npaj them ib qho zuj zus kom koj thiaj li caum cuag.



Yog koj tsis nrog koj cov menyuam nyob, thiab koj tsis kom them nyiaj hli yug menyuam, nco ntsoov muab nyiaj mus pab yug lawv. Khaws tej ntaub ntawv qhia tias koj yug koj cov menyuam, xws li cov ntawv them ntem nqi thiab cov tshev luam. Yog koj tsis them nyiaj hli yug menyuam thiab tsis muab nyiaj pab yug lawv, tej zaum koj yuav muaj teebmeem ua tau ntawv nyob tebchaws no.

Cuv Npe Ua Tub Rog

Cov txiv neeg hauv tebchaws U.S. muaj hnuv nyoog 18-25 xyoos yuav tsum cuv npe ua tub rog. Nws muaj kev zam tsawg xwb. Yog koj muaj hnuv nyoog 18-25 xyoos, koj yuav tsum cuv npe ua tub rog tsis pub dhau 30 hnuv tom qab koj tuaj nyob hauv lub tebchaws U.S. Cov txiv neeg tuaj nyob tsis muaj ntaub ntawv los yuav tsum cuv npe ua tub rog thiab.

Tej zaum yuav siv cov ntaub ntawv qhia txoj koj ntawm kev cuv npe ua tub rog yog tias tebchaws U.S. yuav xaiv neeg mus ua tub rog. Cov ntaub ntawv kev ntawm kev cuv npe ua tub rog yuav tsis muab faib rau cov tub ceev xwm ICE.

Cuv npe ua tub rog hauv vas sab ntawm www.sss.gov/ los yog mus cuv npe tus kheej U.S. cov chaw xa ntawv.

Cov ntawv Qhia Tseeb yog qhia kom paub txoj kevcai xwb TSIS yog muab txwv yim txog txoj kevcai. Mus ntsib ib tug kws lij choj rau tswv yim. Tsis txhob siv daim ntawv qhia tseeb yog tias nws qub tshaj ib xyoos lawm. Nug peb txog cov hloov tshiab, daim ntawv qhia txog cov ntawv qhia tseeb, lossis lwm hom ntawv.

© 2025 Minnesota Legal Services Coalition. Luam tau daim ntawv no los siv rau tus kheej tsis ua lag luam thiab qhia kom paub xwb. Tagrho lwm cov cai ceev tseg. Qhov lus sau no yuav tsum nyob rau txhua daim ntawv. Txwv tsis pub muab luam, faib, thiab siv ua lag luam.